

參縣志卷之三

建置志

嘗攷周官辨方正位體國經野以爲民極蓋建置之由來尙矣蠡處承平之世城池官署規模周全而其他諸營建二百年來昔興今廢爲之異觀倉庾所以備凶盜養濟所以哀煢獨知政本者惡可聽其傾圮與

城池

蠡城在唐河北三里周三百五十三步累土爲之高二丈五尺上闊一丈下闊三丈五尺池闊二

丈深一丈八尺相傳舊城在博野縣蠡村遺址猶存此城漢封蠡吾侯時所築歲久傾圯明天順間知縣毛紀重修宏治中知縣吳堂又修正德六年流賊寇蠡入城次年知縣金鏡始大增築嘉靖十年知縣張鳧十三年知縣李復初隆慶二年知縣王元賓相繼修築崇正戊寅兵變後兵備道錢天錫建議修築易土爲磚蠡邑遂成重鎮云

公移疏稿附錄

崇正十二年六月十三日爲修築事在易之蠡剛下而柔上巽而止存一苟止之念何事不壞雲雷屯君子以經綸而以動乎險中爲大亨貞月令仲秋築城郭建都邑穿竇窖修囷倉每歲行之况當

城邑新破之後而憚於慮始乎查正德六年賊掠
新城雄縣定興安肅易州涑水而南破高陽蠡縣
博野覘知祁州備禦有方乃迂道徑攻臨城高邑
今三縣連破蠡吾實居中扼要令城垣足恃可以
堅壁清野振旅四應則今日戰守先資無急於修
濬除敵臺甕城該縣已有次第而包築全城費當
不貲據府詳申報應動捐輸穀價尙未解到今將
貯倉見存穀六百四十六石四斗值價四百零八
兩并本道設處捐助銀二千兩速給窰戶燒埴卽
日起工凡事最忌有畏難惜費之意則發端不銳
落成無期凡茲邑人豈無保家防變之計固知樂
從患在民牧置之膜外耳公作則遲分地則速該
縣自有定裁而可與樂成不可與慮始轉築愁之
景爲易使之風在慈惠之長明察之官有未臻厥
成而已奏晏如者本道陸續廣助務使民力不竭
計日竣役須示

十月二十四日爲修築事照得蠡自兵變以來白
骨交衢青燐泣夜本道欽奉天語丁寧該縣調自
東省撫柔此民訓以民生之不假易難至之無日
守禦之不可以怠非一日矣憲署初開該府比照

易州事例土木之費八千兩有奇本道思物力艱
難湫隘可托因葺理敝邸而居焉該縣托宿民房
不違甯處拮据修城之事自構甄審數十所捐資
五百餘兩以爲士民倡至今半載矣因亢旱緩役
厥功未集該縣聞有減捐皆未徵納是該縣固念
切急公未嘗不體悉民艱也今時值寒沍亡羊補
牢寢食靡甯本道思向來工役遷延議論參差止
因有鄉紳富戶捐輸及審戶燒造之說以致稽延
茲據蠡縣紳士吳臣輔吳縉科等生員劉芳潤等
連名具呈大率言兵患年荒之後富室苦義助之
艱辛村民避審戶如鋒鋩今本道已與該縣及諸
生面議將大戶免派審役盡除聽急公趨辦外念
城制延袤八里有奇計費數萬猶稱簡約豈該縣
一力所能支撐今本道躬督南城運甓庀工正當
定中戒事之期其有鄉紳士疐樂輸者報名該縣
合築東西北三向事完並敘築舍之議旣平子來
之効自速非獨仰答明旨爲地方生靈圖不朽之
策且省地方每年修幫無名之費該縣共圖厥成
無疑十一月二十六日爲仰遵明旨竭蹶城工謹
報蠡城告竣以慰台慮事照得四事以修爲首本

道莅任初卽日通行各屬除新城原係甄甄外其
九屬應包甄者量事期備材用其無力包甄而土
堅足恃者增削陡峻其有諸面皆堅而一回兩面
獨瑕者必易以甄石城下原無壕者開濬如法舊
濠蕪沒者益加深廣有河可引者疏導活水務成
天險至於包築甕城敵臺并修築炮臺窩舖此禦
敵所先俱於卽日起工六月中旬報完以便次第
包築務擇素行奉公綽有心計者董其成功勿令
匪人冒破亦勿得苟且報塞各屬俱已遵行於秋
杪次第竣役卽殘傷墊隘無如博野高陽而博野
北城甄甄高陽西南面甄甄安州向未通河水而
今以河爲衛敵難飛渡新安濠通河淀衍成巨浸
博野濬底及泉束鹿重濠相接雄縣重河廻繞祁
州深澤高陽新城浚濠俱有成功蠡爲道署初建
之邦上紓聖明南顧之憂下爲牧宰承流之地願
以叢爾一縣而城垣周遭一千二百二十一丈有
奇與郡城相雄長而高且過之其物力之煩費一
也保屬陷兵者四蠡殺畧獨慘男婦一萬八千計
燒燬官民邸舍萬五千有奇糧草什器稱是皮骨
僅存營繕安出其財力之殫殘二也甫議修築而

天不降康赤地如焚救生不暇况於興作其時事之艱窘三也况各城或係堅土猶可恃久而蠶城流沙斜築每夏雨傾頽里甲繕葺動以數千金計民財耗竭累朝以來或因賊陷或因兵變而累土如故至於今日肱經三折事不再計惟是全城盡築非收斂已畢不使起手非邊警稍甯不敢撤防本道自巡歷邊關奄忽孟冬官民憚勞惜費未免躊躇有謂築城必先剷削恐有警難支者有謂時將寒迺工役難竟者本道謂有警則土垣墮墜跛羊可牧曷若削成斗絕古者用民之力歲不過三日春秋之義役不違時宋制每丁一歲定役二旬十月塲功盡畢不過三旬可以畢事未有久稽若工者隨據鄉官舉監邊崙李雲鳳劉崇文劉繼昌張祊張應斗王行從吳縉科等又據儒學廩增附生員劉芳潤李時茂崔棟等呈稱紳衿百姓人等願均出其力庶大功易成等因本道乃於十月十三日分委中軍潘輝及聽用等官先修南城迤西以高厚陡峻爲則甄灰皆增價而市不數日填街溢陌價遂漸平人減勞費若助其順已於十月初十日呈詳批候題敘訖其城工及頂者卽日落成

及要者尙苦物力未齊本道仍督聽用官焦雄賈
應泰等再委博野典史原國傑蠡縣典史張顯志
教諭趙光普訓導韓運昌各以丈尺監工本道躬
率匠作量徑輪營郭鄂數徒役程分數逐日米酒
犒工以鼓舞之欽遵保民書內上等城垣高三丈
五尺根闊三丈頂收一丈八尺方堪施展守具制
禦寇竊而本城之根於土外加軛其闊有五丈以
外者頂有收三丈以外者近門之城有踰四丈者
以城高則軛宜厚根用七進腰用五進至頂始用
三四進以上鬆則築必堅夯杵兼施每尺灌純灰
數斛每縱橫三尺入木丈餘至甕城敵臺俱用十
餘進附城敵臺伸出城外六丈有奇堞口寬一丈
城外濠深廣各三丈羊馬牆高七尺根厚五尺收
頂三尺於是本道南門迤西之工俱於十一月初
十日陸續報完而聽用官沈銓焦雄李秉直賈應
泰劉繼昌馮璋之工獨早給劄優賞人爭鼓勵該
縣南門迤東之工俱於二十五日報完不敢謂金
湯比固亦庶幾保障有資矣西城置大炮臺二十
座東西腰舖二座兵小房火藥房一百四十間護
城堤二道層層設備是役也仰賴皇上之聲靈吏

民之協力本道不過為之督率而已具載清冊申報撫按分別給匾旌薦知督臣楊文岳監臣馬雲程撫臣黎玉田按臣馮晉卿應加恩敘賚統候聖裁等因案呈到部該臣等看得邇來修繕誠為要務據督監撫按奏報以蠡縣殘破之土垣不煩呼籲乃能易土包甃濬池設險煥然壁壘增雄所有任事官紳士庶相應分別加銜復級紀賚旌薦者也既經該司案呈前來相應覆請恭候聖明鑒定奉旨這蠡城修助各官除免敘外錢天錫原降級准抵張勳等劉芳潤等着撫按分別匾旌欽此

國朝順治五年知縣祖建明重修

有記附錄

余自戊子入蠡登高而眺望其城池之高下傾頽者繁難支持迄六月中旬淫雨洶湧所有分修等社林德東和萬窩南宗福興高晃洪善保者被水衝塌約有一百三十五丈工課洵浩大矣余與戢道臺抱膝長嘆設法無由余慨然曰民間困苦滋甚蠡難重累奉祈其可捐乎余願捐助銀一百兩

以作磚灰之費道臺口而與余其同舟也予其坐
與諒五十金其不可少其次之急公樂輸者比
比而至其鄉紳儒學暨閣學生員等所輸捐助可
作十分之三五余乃毅然任之曰所廢之多寡無
論也余括其總乘此農隙可以鳩工余不惜費民
亦不愛力矣子來之象將不日而成城焉城成矣
池之不險可若何遂引唐河之水因舊溝而入於
濠深淵浩闊之勢莫可厲揭誠有備可以無患也
至七年庚寅歲七月初旬又被雨倒塌者有劉陀
小陳鄭村東和林德萬窩郭丹高晃等八社共一
百三十丈社甲之民顧城而泣束手莫支余更屬
社長而命之曰爾無虞雖古法用民不過三日值
此淫雨爲災勞爾其不得已也向庫領價置買磚
灰其何能辭磚灰俱自余設督催更不少懈事未
及半月而城工俱以告竣矣竊念城樓卑隘無以
壯觀於是大爲修創今其煥然更新也計此兩歲
修築晝夜焦勞卧薪城頭者蓋不下五十餘日因
志之以望將來

城捐記錄

五年儒學方國棟艾元建捐銀八兩典史諸綸捐
 銀十兩中軍周尙質捐銀五兩封君吳文經捐銀
 二十兩歲貢郭一元捐銀四兩舉人趙亮捐銀五
 兩拔貢張祜捐銀五兩鄉官齊克諧捐銀十兩吳
 之傑捐銀十兩賈太初捐銀二兩五錢劉繼昌捐
 銀十兩岳峻捐銀五兩劉崇文捐銀二兩溫可掬
 捐銀二兩生員賈功等捐錢十七萬一千文餘費
 俱自縣出七年儒學王三接艾元建各捐銀三兩
 中軍周尙質銀五兩典史諸綸銀十兩封君吳文
 經捐銀二十兩灰六千勛學道吳臣輔捐銀五十
 兩溫州府同知劉繼昌捐銀二十兩鄉官齊克諧
 捐銀十五兩舉人吳美秀捐銀二兩趙亮捐銀八
 兩拔貢張祜捐銀八兩恩貢劉晉祥捐銀八兩歲
 貢齊可魯捐銀一兩賈太初捐銀一兩五錢當舖
 齊時芳等捐銀十二
 兩餘費俱自縣出

康熙十四年三月值新河之變知縣劉文燦同紳民

登陣守望念帳房湫隘風雨不蔽因於南城西偏

寬厰處所建立威遠亭三楹廂房兩間亭前築砲

臺一座

康熙二十六年知縣趙旭重修城樓

有記附錄

易曰設險以守國又曰重門擊柝以待暴客邑有
城垣其殆昉諸此乎蠡邑城頗高厚足稱畿南重
障止設南北二門門舊有樓傾圯數十年曾無議
及修者兩城門朽敝不堪僅存其具子夜聽人出
入鎖鑰竟無所用其於設險待暴之謂何余莅任
之始見而惻焉非旦夕可緩之務也又慮民窮費
繁不可以衛民者累民於是捐俸倡率訪有紳民
解希義者朴實而忠誠急公而勤敏令其設法勸
輸希義展其心計織悉區畫金錢募之隨身物料
取之心願積拳石以作山挹涓滴而成海不費社
甲一文村墮一夫僱工購材厥工告竣樓則輪奐
之美巍峩之盛視昔有加門則合以完木裹以鐵

葉堅若重壁以視昔之跛羊可登而靴尖可踢者其修廢之故殆未可同年而語矣爰以刊之於誌冀守土君子後先相與以有成俾其功相繼於勿替云以上舊志

成城誌畧

梁公修城之舉實建邑以來未有之功迄今百有餘年案卷無存父老皆逝求其庀材鳩工殫心經營之狀不可得矣謹撫遺跡以誌不忘

邑城自錢觀察修築而後傾圯有年前任梁公夢善文莊公胞弟也出宰於茲請帑徹地修之絲毫不擾民始乾隆三十九年越三年告成周一千二百二十一丈高二丈五尺底寬二丈七尺頂寬一丈

九尺堞口一千五百三十四四面各出敵臺共十六座磚凡五進皆灰灌漿南北甕城重門上建譙樓東西亦建譙樓以壯觀瞻以資守禦魏乎煥乎儼然金城也按邑自前明季年設憲臣爲重鎮當承平百餘年久宜思患而豫防梁公於是首倡請城之舉盡心球陜以圖久遠可謂得大易設險守國之義矣偉哉公之功也因念同治六年梟匪擾境不敢近城七年春捻逆大股突犯保陽鄰邑如祁饒皆以城圯失守而蠡城巋然獨全可不感公之德歟抑聞之莒人恃陋而敵來梁伯溝宮而民

潰地利固重矣人和何可少也故曰人自爲守者
守不以城人自爲戰者戰不以兵守土者尙思撫
柔其民和輯其心使居有以樂患有以捍長治久
安永爲 京畿之拱衛也庶不負公成城之志云
重修城樓紀事

城自錢易土爲磚厯十餘年而坍塌若干丈順治初
祖公重修有記載志迨乾隆三十八年梁公請帑
一新始無社甲之累矣迄今百有餘年雉堞整齊
崇垣完固惟有譙樓半歸剝落同治十一年知縣
郭公奇中攝篆茲土慨然欲修之因河水爲災暫

寢改歲癸酉倡修南北二城樓東南奎樓內外皆
磚工堅料實直與此城永勿壞矣親書匾聯懸於
其上南曰迎薰北曰拱極鬆形絢日鈴鐸搖風複
壁重檐彌增壯麗色自

國初不利酉科是年登賢書者五蓋城西已

南門
在巳丑
北門

在丑金局金數四多一奎樓則五也公豁達有器幹

救險護堤乘叵籬不懼實心惠民補平山知縣碑記

載藝

文志

培修城根紀事

城樓修自郭公所有內外城根歷爲雨水冲剝多有

剝蝕之處未暇補葺知縣彭美念城垣以根基爲重基壤垣墮前功盡棄矣光緒元年春迺商紳董亟爲經營南門遞西長一百二十丈寬一丈有奇北門遞東遞西長四十餘丈寬二丈深一二丈不等西北隅長二十餘丈寬二丈深一丈有奇其餘殘毀處所一律興修實力致功期不隳墜洵哉能繼梁公者也公以名進士由部曹出宰武邑調此卓異任邢臺知縣

公署

明兵備道署崇正十二年設卽御史行臺也在縣之

東南街左右置坊前爲大門次儀門墀有雙栢甚
古堂凡三進臺榭池館粗具大抵因其舊而補葺
之楯軒五芝堂知府黃師夔所修三一館宜建軒
留鹿亭知縣連元所建酣月臺潛鵠池鵝羣榭漢
功池兵備道錢天錫搆之以資遊息云

附錄錢道雜咏

雙栢詩大樹何扶疎甘棠常蔽芾參天勢不孤並
挾風雷氣蠡吾官舍底事稱官舍無妨託敝
廬有居安苟且何事不清虛人是干戈後官當草
昧初未歸梁上燕幾見釜中魚頽屋風知避空林
月自如捉襟聊避熱脫粟不求餘誇宅卑元白匡
時學甯蘧累輕宜宦拙地僻喜交疎問將能堅壁
思親切倚閭邊塵何日掃多壘恥端居宜建軒
朝廷念股肱草昧奠磐石揮塵屈廷謀聚山收

野獲 三一館 甚欲洗浮囂幽靜頗難照精華
返元谷內煉收其要 有遺我雙鹿者因以名亭

王申壽太恭人鹿曾至 毛斑如畫並來遊官舍

妻清一徑幽小構雲林饒茂草初開月沼足清流

年更寶鼎傳仙歷星散瑤光滿帝州遙祝獻環王

母使洞天金鹿幾千秋 漢功池 逐闕祈蓮山

習戰昆明水石鯨夜鳴吼大旱作霖雨 鵝羣樹

皎月臨芳榭微風轉曲榭豈因飛白羽不復換

黃庭 潛鵠池 偶作池中翫原宜天際遊有時

臨太液終自狎瀛洲

國朝康熙三年霸易道張公汧備兵茲土創建儀門三

楹大堂東創立茶舍三楹以資謀議舍後創立記

室三楹以貯簿書東復為斗室以藏圖史堂西創

立瓦房三楹以居門役西北復創立書辦房十餘

楹以便繕寫正寢東西創立瓦樓各三楹宜建軒

後創立迴春樓三楹樓後創立書舍三楹湫隘之所頓覺改觀自道員裁後署址久已無存回思景物不勝今昔之感焉

縣署地廣三十畝居城西偏本蠡吾侯第前大門次

儀門次戒石亭亭北為忠愛堂前構捲軒西為幕

廳左右吏書房東為儲積樓樓東鄴侯廟堂後為

退廳廳後知縣宅左優學軒右思政軒知縣李一復初建

宏亭知縣金鏡建東北管糧丞宅儀門外東管馬丞宅

久廢堂西北主簿宅崇正十二年革其官宅西吏解東典史宅

前左為廡圍以周垣崇正戊寅兵變後舊址僅存

明兵備道錢天錫檄縣動支馬價籌爲縣署復建之資

明崇正十六年知縣張世溶捐修大門儀門大堂二廳虛受堂寢宅左右書吏房

國朝順治四年知縣祖建明增修敬勤齋弄月亭觀射亭馬神廟問夜齋求莫齋優學軒優仕軒圍房三十八間有記節錄

縣署失修已久舊制幾湮兵備道錢公捐馬價銀九十八兩而堂屋門楹之費浩繁難贍延至崇正十六年前縣張世溶念民宅非可常居窮黎又乏力量遂邀一二尙義士庶議任分修大堂監生王行從生員王祥光叔姪共分虛受堂生員賈坊分儀門生員賈爾年分二廳序班劉太然分左右書

吏房生員軟重慶義民張永允等分其饋門堂
廳俱係閭邑修辦余自順治四年始任於宅內之
東修敬勤齋弄月觀射二亭馬神廟三廳左右修
問夜求莫二齋凡六楹優學優仕二軒凡四楹前
後左右圍房三十八座令典史諸綸於本官宅中
舊有敬事堂修補重新後創贊政廳一座儲積樓
後修鄼公祠虛受堂東修土地祠竊體衙役無駐
足之所因於大門西立快手房一座凡三楹兩旁
收徵房凡十二楹庶補官衙萬一云大門外省徵
碑張撫臺建大門內地畝碑楊令建儀門內聖旨
房左德政碑義民建儀門
西有嚴刑獄牆高而固

康熙七年知縣單務嘉衙署正中創建瓦樓三楹移

置宅門於巽方門北創書舍三楹圍以短牆中植

花卉盆盂池沼皓月盈軒張琴吟嘯有古宓子遺

風焉

縣署自張祖單三公修建距今又二百餘年縣志失
修下無所考按之今制多不相符未知改作何時
姑存舊模以資徵信謹依新繪署圖敘之於左

公署

縣署前大門次儀門次

聖旨牌坊次東西班房次東偏吏戶禮科房西偏兵刑工
科房中爲大堂堂前露臺左嘉石右肺石堂後宅
門次東西門房次二堂堂後門樓次東西配房次
三堂次東西配房次四堂大門內東偏土地祠戶
南科房戶北科房儀門東偏典史宅儀門西圍土

大堂東偏文昌閣堂後東偏庫房二堂東偏東花
廳廳後內宅廳東偏幕賓宅二堂西偏西花廳廳
後帳房三堂東偏厨房土地祠典史宅後馬廐馬
王廟周以垣

教諭署在文廟西路西

前在文廟正北卽今尊經閣地也明知縣王國賓
以其不祥改建今地

訓導署在文廟東路北

前在啟聖祠東北不知何年改建今地

典史署在縣治東偏

把總署在大街閣南路東

縣丞署在城東南仇村龍神廟西路北

申明亭

旌善亭

在縣署東明知縣張鳧設木榜二書各社善惡今廢

迎恩亭

在北郭外前有門正廳三楹圍以短垣明知縣李復初修今廢

稅課司

在縣治東北今廢

太僕分司

在縣署西南今廢

僧會司

在寶甯寺內按郡志有道會司今廢

陰陽學

在縣署東南有屋三楹今廢

醫學

在縣署東南明知縣李復初用銀六十兩買孟嘗社民張文秀房一區建爲二學其惠民藥局在醫

學內郡志謂在縣治東今不可考

演武場

在北郭西地三十畝大門一楹中爲廳三楹前構
捲亭左爲將臺圍以長垣垣內植以柳今廢

營房

在道署東北道憲安公世鼎以兵民雜處慮恐滋
擾價買民地十三畝四分建立營房一百間兵無
野棲露宿之苦民無鵲巢鳩居之憂旋繞道署星
羅碁布兵民兩便今廢

草場

在城舖後明嘉靖間知縣李復初預備馬草置場於此今廢

倉廩

預備倉在太僕寺東前為磚門中為會計亭知縣李秉彝建

北廩十楹東廩二十南廩八西廩六知縣張叔安建後傾圮知

縣李復初修葺編號為十二支圍以短垣垣有宇今廢

四鄉預備倉東倉在五夫社西倉在小陳社南倉在

南高晃村北倉在大百尺村今廢

永豐倉在縣治東南今廢

常平倉明崇正十四年八月建今廢

錢天錫論曰司馬溫公稱常平倉爲三代聖王遺法不自李悝耿壽昌始也錫以創設憲臣值三載奇荒借諸守宰百方振救惟有積貯一策爲地方經久之計因與蠡令姚汝明糴貯穀豆一千二百石於預備倉內另置垣宇額以常平春則平糴利民秋則增直利農事甫就緒而量移晉臬逐歲漸增緩急有賴是在後之君子

養濟院

在長樂門內大街東爲屋九楹今廢

留養局

在南關大街路東今廢

漏澤園在北關外厲壇前

義塚一在南關外一在北關西北里許

義家一王

義家

學校志

自唐開元以來釋奠先師之禮徧乎天下學宮不
綦隆哉而培植人材轉移風化書院義學均胥賴
焉若夫文翁起學於蜀地常袞興教於閩鄉有司
者之責不可追也學舍鞠爲園蔬博士倚席而不
講學校之衰今古一轍矣

文廟

廟學在縣署東南卽古蠡州地廣五十畝元天歷三
年建爲儒學皇歷二年監州事蒙古徹里帖木兒
重修明洪武二年詔天下立學永樂四年重修正

統九年知縣費恭重修前為櫺星門次戟門中為

廟五楹廟前有聖旨碑西北折為明倫堂內有明

高皇帝御製卧碑景泰七年立石東存心齋西養

性齋齋堂之東敬一亭亭內有明世宗皇帝御製

敬一箴及註釋五箴碑六通亭前為號三方東西各

一楹俱知縣張鳧建東學倉北教諭宅二訓導宅學之外

右育才坊坊西十餘步為射圃圃地六畝有觀德

亭左為興賢坊俱知縣蕭鵬建嘉靖丁酉年縣丞張遷主

簿張鸞重修有記入藝文志隆慶三年知縣劉伯縉重修

有記入藝文志萬曆三十二年知縣劉豫重修有碑

國朝順治六年知縣祖建明修理正殿兩廡櫺星門戟

門儀門明倫堂鄉賢名宦二祠影壁南移數尺禮

門義路二牌坊易令南向

有記入藝文志

康熙十一年知縣劉文燦修理兩牌坊

知縣耿文岱有記附錄

人才國之楨也學校才之聚也師也者繫職於學

所繇訓方振德爲國作人者莫不於學是賴可在

其風雨飄而茂草鞠乎蠡學創建年遠木植間多

剝落大殿崩圯一角仰見星日尊經閣塌陷一楹

兩廡鄉賢名宦二祠敝壞多所主位散失明倫堂

傾側兩齋櫺星戟門頽池隨處殘破敬一亭東西

牌坊空存遺址學諭耿君廷芳請於道憲邑令謀諸搢紳蠲貲修整邑令劉公文燦修復東西兩牌坊而東廂牌樓移置庠門之前午科乏人士子爭言不利本縣延請堪輿相視東坊復豎舊址西坊移豎庠西氣宇開拓如雨翼斯張觀者以爲得體未科會闈獲雋一人

康熙二十五年知縣趙旭重修大殿兩廡明倫堂文

昌閣賢宦祠

有記入藝文志

康熙三十三年知縣高蔭爵捐俸修戟門內外左右

兩坊

有碑記

乾隆二十九年知縣丁麟重修

有記入藝文志

咸豐十年知縣秦聚奎重修

有記入藝文志

謹按未修之前

鄉會罕獲雋者既修以後五年之內宴鹿鳴者六

題雁塔者三蓋昔禮門義路規模卑狹今拓作牌

樓以疏文明之氣騰蛟起鳳理固然也形家言當

不外是

書院

聚星書院明知縣曹昕建

振英書院在太僕寺西前建門樓中建精一堂三楹

右掘地偶得古甘井前後號房十六楹先是知縣

張鳧創爲社學近廢其屋宇多爲人所燬竊知縣
李復初改爲振英書院收士子王侃李桐劉嵩谷
雲衢張邦傑李杰蔣大全等三十三人分爲十一
會肄業

宙泉書院宙泉者明吏科左給事中沈公迅別號也
宰縣時恒讀書其中與士子講藝衡文月有程課
因縣署失修暫寓此聽政焉

陽春書院南門外街東明崇正十三年建大門向西
東堂三楹規制深峻遴士之績學有志者李成性
賈坊賈浴朱映九陳諫垣彭士奇岳峻陳泗謨等

肄業其中其有離城稍遠或館於別邑者按期課
文共六十人肄業者計二十人月給薪水之資一
兩課文者分別旌勸兵備道錢公預備銀四十兩
發縣又捐價置西城大堤學田十畝又設處公田
五十畝以供書院諸生肄業

有斐書院卽振英書院之舊基也向在文廟之右軒
堂連進古槐數株婆娑若蔭院前清流若帶衡文
課士雅稱勝地年久寢湮蕩然一空兵憲安公世
鼎惠政沁人士民感之相約捐資欲卜其地爲之
立祠公亟止之因爲書院以廣棫樸之意正北創

建瓦房三楹周圍短垣復捐金五十兩置學田五十六畝地段詳開於左禮聘生員馬雲起教授生徒於其中邑人匾其額曰有斐書院併貞之珉誌不能忘

學田地段

一買生員桂潤南北地一段一十三畝三分坐落

西滑村

一買生員賈濟南北地一段一十二畝坐落東南

齊家莊東

一買生員劉維正東西地一段十畝坐落南中委

西南

一買贊禮生張琇南北地一段九畝七分坐落南
中委西

一買馬和南北地一段一十一畝坐落城北

以上共計地五十六畝係霸易道安公世鼎價置
成材書院在石牌坊街南路東道光二十年知縣丁
希陶以慎南名進士來宰斯邑汲汲以振興文教
爲急務查書院舊址久已無存學田俱成烏有遂
擇尊經閣前隙地於二十二年春捐俸倡修創建
講堂三間大廳三間東西廂房各三間院長住房

三間書房十間門房一間廚房二間門樓一間繚
以周垣飾以丹漆併添製棹凳百張以備歲科兩
考之用其費京錢五千四百餘緡總其成者教諭
賈吉雲訓導吳錫嘏司其事者生員吳錫齡監生
朱朝樑又籌捐京錢二千五百餘緡發商生息作
爲生童膏火之需按期課試分等批評鼓舞奮興
文風丕振嗣於咸豐三年髮逆竄擾深州縣城戒
嚴設局辦團經費不支暫將書院公項挪用至今
十餘年來兵荒交困尙未議及捐補焉

丁公添置考棚記附錄

蠶邑向無考棚歲科兩考俱就縣署局試渙居散處防察難周應試者攜負棹凳而來交卷後仍攜負而去擁擠之餘兼任重負殊失體制自書院建成規模宏敞余因結屋數椽置備棹凳就此童試紳士梁炳耀張荆璧谷斫魏炳趙鵬程李奇觀等見余力竭出貲助工於廟貌莊修之於門面整齊之未勾抹者勾抹之未油飾者油飾之既建牌樓以壯觀瞻復置器血以資利用闢防宜謹也則東西設垣墉焉棟宇宜新也則南北設區聯焉計漆房屋八間棹凳百張歷五十餘日而工竣人咸歸德於余余思書院之建所不容磨滅者吳錫齡等督工購料頗著勤勞梁炳耀等好義捐資具徵慷慨余得總理其事幸而落成且因書院而兼及考棚一舉而三善備諸君子之力居多他日開場考試既免携負之累並無擁擠之虞於體制固爲不失於防察尤爲易周藉以汲引後進選拔真才於士習文風關係匪淺有謂余好事好事者羣將掩口而笑矣然余不好事諸君子之事不容誣余不好名諸君子之名不容沒余將登諸公牘列諸邑誌焉

書院捐項附錄

監生梁炳耀捐錢四百千廩貢張荆璧捐錢四百
 千照磨銜谷所捐錢四百千從九馮九疇捐錢六
 百千理問銜魏炳捐錢二百五十千庠生趙鵬程
 捐錢二百五十千總李奇觀捐錢二百五十千
 庠生張鎮國捐錢三百千千總田中魁捐錢二百
 千監生張琴捐錢二百千監生張元熹捐錢一百
 四十八千庠生胡錫齡捐錢一百五十千庠生王
 奎璧捐錢一百五十千監生馬先達捐錢一百五
 十千監生梅芝捐錢一百五十千俊秀盧洛廣捐
 錢一百五十千俊秀戴得元捐錢一百五十千貢
 生田種玉捐錢一百五十千俊秀趙鵬扶捐錢一
 百千俊秀王顯祖捐錢一百千庠生魯金台捐錢
 一百千貢生彭起運捐錢一百千俊秀劉從雲捐
 錢一百千庠生宋殊勲捐錢一百千舉人劉桂芳
 捐錢一百千廩生楊廷鑑捐錢一百五十千總
 王振邦捐錢八十千庠生郭玉叢捐錢七十千武
 生劉漸達捐錢七十千廩生王錫智捐錢五十千
 監生伍箴捐錢五十千監生劉振彩捐錢三十千

廩生任希昉捐錢五十千其餘不敷之項均由丁公捐廉辦理丁公雲南楚雄人道光戊戌科進士調宛平京縣知縣陞順天府南路捕盜同知賞戴花翎加知府銜歷署霸昌道通永道

義學

舊社學在城內大慈閣南明兵備道錢公延請通曉韻學五音之儒士劉與潔以爲社師

在城南義學名訓方地八十畝七分四釐一毫在城社行糧

在城北義學名型俗地八十畝九分七釐四毫在城社行糧

隨東村義學名興仁地三十三畝一分三釐五毫孟

嘗社行糧

南齊村義學名講讓地四十九畝六分一釐七毫五

田社行糧

東滑村義學名存誠地三十四畝二分九釐七毫東

和社行糧

大宋村義學名惇仁地三十九畝九釐三毫劉陀社

行糧

閆莊村義學名履信地五十二畝八分四釐九毫小

陳社行糧

劉陀村義學名敬業地四十五畝一分九釐劉陀社

行糧

南大留村義學名徒義地三十五畝劉陀社行糧

張村義學名惜陰地五十四畝六分七釐四毫小陳

社行糧

鄭村義學名育材地五十七畝二分九釐五毫鄭村

社行糧

西北寺村義學名義路地十六畝五分六釐八毫鄭

村社行糧

潘營村義學名禮門地八十七畝八分林德社行糧

東北寺村義學名游息地二十三畝九分四釐鄭村

社行糧

大百尺村義學名時敏地四十六畝四分五釐百尺

社行糧

仇村義學名有恒地五十畝二分九釐六毫孟嘗社

行糧

道西村義學名弗告地五十四畝六分五釐三毫高

晃社行糧

桑園村義學名復善地七十一畝八分七釐桑園社

行糧

東和村義學名崇德地九畝四分東和社行糧

劉辛莊義學名返樸地六十畝六分五釐高晃社行糧

荆邱村義學名還醕地四十畝玉田社行糧

孟嘗村義學名弗諼地四十一畝二分三釐九毫孟嘗社行糧

劉家佐義學名尙友地三十六畝八分六釐洪善保社行糧

李家莊東義學名麗澤地四十畝鮑墟社行糧

李家莊西義學名入德地五十三畝七分鮑墟社行

糧

東魏村義學名樂志地四十五畝九分八釐高晃社
行糧

洪善保義學名養正地七十九畝一釐六毫洪善保
社行糧

小陳村東義學名培初地三十七畝小陳社行糧

小陳村西義學名明善地三十七畝小陳社行糧

東緒口村義學名振德地三十一畝八分緒口社行
糧

蘭家莊義學名敦倫地二十四畝七分七釐四毫孟

嘗社行糧

楊家莊義學名興化地八十五畝五分八釐桑園社
行糧

褚家莊義學名達材地三十畝鮑墟社行糧

林舖村義學名廣鑄地三十五畝一分百釐六毫林
德社行糧

南五夫村義學名進德地二十四畝林德社行糧
北玉田村義學名修業地四十五畝玉田社行糧
小李家莊義學名依仁地三十六畝于八社行糧
南高晃村義學名誠身地六十畝高晃社行糧

以上義學三十八處係知縣趙旭查出各鄉香火

逃糧等地十七頃三十九畝零分給各村設立義學以爲延師之用並議條約五則

一端正師範義師之品行所關甚重不特弟子視以爲步趨亦鄉人望以爲儀型故胡文定以身示教從遊者文行兼長文中子設學河汾聞風者觀感而化若芄蘭興刺佻達貽羞則五經掃地矣何以立步趨儀型之準今與塾師約惟以訓課爲功就將爲業無干預外事無縱酒漫遊成已成物庶不負皋比之任

一廣收貧寒義學之設原爲無力延師者立同類相

從固不禁絕富厚而大道爲公猶當加意貧寒况
義學額有地畝足以爲館穀之資地畝之外並不
索取學俸父兄雖愚豈有不樂子弟從學之理但
恐爲義師者以文昌爲財神視道義爲商賈或借
生辰而巧取金錢或乘節令而索討盤盒貧者無
力應承頓生厭倦遂爾督課不勤且力農傭工之
家粗鄙者多知禮者少以醴酒不設之儀加於貧
鋤耨插之輩甚而坐作進退謬爲責備之詞東家
不堪令子散館以致寥寥數人亦甚無色今與塾
師約宜多收貧寒子弟肄業其中當以樂育爲心

斷無以鄉愚疎濶介意

一蒙養貴端裴行儉曰士先器識而後文藝少年子弟根本宜立本立而達於用事君必爲忠臣牧民必爲良吏卽不能名標金榜位列薦紳而孝子悌弟之行講之有素亦不失爲愿謹之民根本維何修身立德是也修身立德之要莫備於先賢小學一書其旨近其義顯且簡帙約而不繁非窮年莫殫之業今與義師約凡從遊弟子讀畢三字經千字文卽令先誦小學每日將所讀章句細爲講解務使幼童豁朗洞悉且身體力行不惟知持身有

道卽由此而讀四子之書亦且瞭然易曉矣有讀書行文者亦令誦小學一章以爲晚課膺此責者切無以爲迂腐而忽諸

一自課宜勤昌黎云業精於勤荒於嬉帖括之藝以熟爲工作文之方非練不純坐館授徒雖云寒凜清冷猶不失本來面目較之包攬地土把持衙門者其品行相去萬萬况前輩名公鉅卿文章政事膾炙人口多自處館中揣摩得來今與塾師約每月二課文藝兩篇朔望付鄉保轉投子弟中有行文全篇者就批抹原文併付呈閱本縣雖筆硯久

疎而師蟻得水未必於諸生無小補也

一曠學有戒義學地畝皆係

朝廷則壤定賦義師收其租無異食 朝廷之祿若誘

掖有功率作無數且令負笈者戶外屨滿方爲無
愧厥職倘道不足以感動一鄉教不足以陶淑後
學未赴館者不來已入館者辭去卽宜引身速退
另延名師若猶覩覷其鄉霸佔地土是不諳於伐
檀之詩者也素餐蒙恥不足與言矣

光緒二年北新莊新立義學名崇正地五十畝

祀典志

我

朝折衷歷代禮儀著為會典首崇秩祀炳炳麟麟有司
奉行歲時維謹茲志所載但記陳設牲帛之數至
儀注之文不復著焉

社稷壇

會典為
大祀

在北郭西偏北向每歲仲春仲秋上戊日詣壇致
祭

每位用黑色制帛一白磁爵三羊一豕一釧二簋
二簋二籩四豆四祭品鉶實和羹簠實黍稷簋實

稻梁籩實形鹽鯁魚棗栗豆實菲菹醢醢菁菹鹿

脯

至聖先師

會典爲中祀

每歲春秋仲月上丁日行釋奠禮長官正獻兩序以其貳及所屬分獻

先師位前設案一陳牛一羊一豕一登一鉶二簋

二籩二籩十豆十鑪一鐙二四配位前各設案

一陳羊一豕一鉶二簋二籩二籩八豆八鑪一鐙

二東西十二哲各設案一陳鉶一簋一籩一籩四

豆四鑪一鐙二東西各羊一豕一東西廡均二位

同一案每位爵一每案簋一簋一籩四豆四先賢
案前東西各羊二豕二香案一鑪一鐙二先儒案
前東西各羊一豕一香案一鑪一鐙二

殿中設一案少西北向供祝版其南東設一案西
向陳禮神制帛九色白香盤四尊三爵二十有七
西設一案東向陳禮神制帛八香盤三尊二爵二
十有四凡牲陳於俎凡帛正位四配異篚十二哲
分東西以六帛共篚兩廡設二案於南均北向各
陳禮神制帛二香盤二尊三爵六俎篚簠勺具

樂章

迎神奏昭平之章曰大哉孔子先覺先知與天地
參萬世之師祥徵麟紱韻答金絲日月旣揭乾坤
清夸初獻奏宣平之章曰予懷明德玉振金聲生
民未有展也大成俎豆千古春秋上丁清酒旣載
其香始升亞獻奏秩平之章曰式禮莫愆升堂再
獻響協鼗鏞誠孚罍獻肅肅雍雍譽髦斯彥禮陶
樂淑相觀而善終獻奏敘平之章曰自古在昔先
民有作皮弁祭菜於論思樂惟天牖民惟民時若
葵倫攸敘至今木鐸徹饌奏懿平之章曰先師有
言祭則受福四海鬯官疇敢不肅禮成告徹毋疏

毋竇樂所自生中原有菽送神奏德平之章日莫
繹我我洙泗洋洋景行行止流澤無疆聿昭祀事
祀事孔明化我蒸民育我膠庠

崇聖祠

每歲致祭日期與文廟同

正位每位用白色制帛一白磁爵三羊一豕一鉶
二簋二籩二籩八豆八酒罇一 配位每位用白
色制帛一銅爵三豕肉豕首一簋一籩一籩四豆
四酒罇一兩廡每二位共白色制帛一每位銅爵
三豕肉一簋一籩一籩四豆四酒罇一

先農壇 會典為中祀

在北郭東北二里許每歲以三月亥日詣壇致祭

行耕籍禮

壇正中設神案南向陳劍一簠二簋二籩豆各四

案前設俎陳羊一豕一又前設香案一陳香盤鑪

鐙左設一案東向陳帛一尊一爵三陳福酒胙肉

於尊俎之次

神祇壇 會典為中祀

在南關東偏歲以春秋仲月上旬擇日致祭

壇正中設案一南向

風雲雷雨神位居中

山川神位居左

城隍神位居右陳劍二簋二簋二籩四豆四案前
設俎陳羊一豕一又前設案一供祝版陳香盤一
鑪一鐙二西設案一陳白色帛七尊一爵二十有
一陳福酒福胙於尊俎之次

孟夏後諏吉行常雩禮陳設同前若歲間不再守
土長吏諏宜祀之辰率屬素服祈禱備牲牢籩豆
香帛尊爵鑪鐙之屬與常祀同既應而報陳設供
具朝服行報祀禮

關帝

會典為羣祀

廟祀鼓樓東王字街北每歲春秋仲月諏吉及五

月十三日致祭

前殿陳帛一牛一羊一豕一登二劔二簠二簋二

籩十豆十尊一爵三鑪一鐙二

後殿位三案各帛一羊一豕一劔二簠簋各二籩

豆各八尊一爵三鑪一鐙二

文昌帝君

會典為羣祀

祀尊經閣上每歲仲春以二月初三日

聖誕為祭期仲秋諏吉致祭

案前陳牛羊豕一籩四豆四鑪一鐙二陳祝文於案左陳壺一爵三帛一香盤一於案右

閣東爲

先代祠亦於是日致祭

名宦鄉賢

祠在戟門左右仕於其地有功德者曰名宦本地德行著聞之士爲鄉賢歲以春秋丁祭日致祭

名宦

元知州 郭克明 王克勤

明知縣 李秉燹 張 祺 吳鳳鳴 何 琛

周道

主簿 王得成

訓導 金惟精

鄉賢

漢王 商 丞相 趙廣漢 京兆尹

明楊 瓚 浙江布政使 馮 貫 工部尚書 丁 鳳 兵部侍郎

和 遜 浙江參議 張 哲 僉都御史 張 貫 副都御史

王 道 副都御史 李 宏 御史 劉 瑀 副都御史

馮 蘭 工部侍郎 崔 岑 知縣 王 凱 山東參議

施 信 山東僉憲 冉繼志 陝西行苑馬寺少卿

劉穆

都給事中

韓春

山東副憲

張居仁

辰州知府

李潮

知縣

吳祥

嵩縣知縣

劉錦

華州知州

賈翎

商州知州

劉驥

都事

辛蘭

知縣

崔三畏

四川叅政

陳善道

四川廉使

王行健

戶部主事

國朝李

堦

通州學政

劉定鼎

誥贈奉直大夫

孝弟祠

祀本地孝子悌弟祠久缺

忠義祠

知縣彭美新建於明倫堂東偏前忠義後節孝

祀本地忠臣義士歲以春秋致祭

節孝祠

祀本地節孝婦女歲以春秋致祭

城隍

會典爲
羣祀

廟在城西北隅崇臺上歲清明節七月望十月朔
祭厲壇於城北郊設

城隍神位於壇正中香案一鑪鐙具陳羊三豕三
米飯三石尊酒楮帛於祭所

龍神祠

在南關東偏春秋仲月辰日祭

八蜡祠

在馬神廟之西歲以十二月初八日祭

馬神廟

春秋仲月祭祠在預備倉之西今無

土地祠

春秋仲月上戊日祭

魁星閣

春秋仲月上丁日祭

閣有二一在城上東南隅一在縣街鼓樓春秋皆
向城上致祭

烈女祠

縣西舊有瓦屋三楹歲時享祀今久廢矣

迎春

立春前一日設芒神土牛於東郊知縣率僚屬咸朝服詣東郊行禮畢舁芒神土牛鼓樂前導各官後從迎入城供俸縣儀門外土牛在西南向芒神在東西向至時刻祭芒神畢衙官擊鼓三聲各官執綵杖環擊土牛三匝而退是謂鞭春

陸稼書靈壽志論云余讀安州志言祀事之失嚴敬曰壇壝廟宇宿莽積塵神主龕籠傾欹破毀几案皆鳥鼠之迹庭除有人畜之糞及祭祀屆期齋戒視爲虛文執事何嘗告戒拂拭者濁膩重重滌

濯者污垢班班菹醢不問生熟犧粢未知精潔帶
泥連草之菁芹含蛙蒙塵之棗栗凡百供陳盡托
僕隸師生不躬親有司不省視嗚呼今天下如此
者多矣禘自既灌夫子猶不欲觀而况今日乎
知禮君子其知敬畏哉其知敬畏哉

畝籍志

田賦則壤丁役宮功三代以來未之有改我

朝軫念民艱併丁於田不加滋生之額適古獨隆矣故
不稱賦役而但標畝籍之名俾知役歸於賦爲民
者踴躍以輸將居官者催科而撫字庶不負

國家之良法美意云

賦役 戶田附

蠡縣原額民地六千三百六十六頃六十八畝三分
三釐內優免地九百十六頃五十九畝七分每畝
徵正加銀三分八釐行差地五千四百五十頃八

畝六分三釐每畝徵正加銀四分八釐以上優免

行差地畝共徵銀三萬一百四十五兩九錢一分

四釐開除圈撥投充創佔地三千二百八十八頃

三十五畝八分八釐存剩民地三千七十八頃三

十二畝四分五釐撥補退斷清丈開荒共地八百

八十六頃七十畝四分二釐實在存剩並撥補退

斷清丈開荒共地三千九百六十五頃二畝八分

七釐內優免地一千十三頃八十五畝六分每畝

徵正加銀四分八釐共徵銀四千九百五十三兩

五錢七釐遇閏每畝加銀一釐九毫共加銀一百

九十九兩八錢九釐行差地二千九百五十一頃
十七畝二分六釐每畝徵正加銀四分八釐共徵
銀一萬四千四百十八兩八錢六分五釐遇閏每
畝加銀一釐九毫共加銀五百八十一兩六錢一
分二釐以上額內共地三千九百六十五頃二畝
八分七釐共徵銀一萬九千三百七十二兩三錢
七分二釐每銀一兩均攤丁匠銀二錢七釐共攤
丁匠銀四千一十兩六錢又每銀一兩均攤丁閏
銀七釐九毫共攤丁閏銀一百五十三兩八錢三
分九釐遇閏共加銀七百八十一兩四錢二分一

釐

蠡縣原額上中下三等九則折就下下人丁六萬三千七百八十四丁內除編審除豁逃亡故絕人丁二萬四千五百六丁實在人丁三萬九千二百七十八丁內除投充帶去人丁八十八丁優免本身人丁二百二十二丁供丁一千一百九十三丁每丁徵銀一錢共徵銀一百十九兩三錢吏承丁四丁每丁徵銀一錢共徵銀四錢行差人丁三萬七千七百七十一丁每丁徵銀一錢共徵銀三千七百七十七兩一錢自康熙二年至康熙五十年清

出自首土居人丁併發贖編審新增人丁六千八百十九丁每丁徵銀一錢共徵銀六百八十一兩九錢自康熙五十五年至乾隆三十六年編審新增人丁七百三十一丁欽奉

恩詔永不加賦嗣奉

上諭嗣後五年一次編審之例着永行停止以上額內人丁共四萬六千五百十八丁內除康熙五十五年
至乾隆三十六年編審新增人丁七百三十一丁
欽奉

恩詔永不加賦外實在徵糧人丁共四萬五千七百八十

一丁每丁徵銀一錢共徵銀四千五百七十八兩七錢

蠡縣額外民地三百一十三頃十四畝九分五釐共徵糧銀九百九十二兩五錢七分每銀一兩均攤丁匠銀二錢七釐共攤丁匠銀二百五兩四錢八分八釐每銀一兩均攤丁閏銀七釐九毫共攤丁閏銀七兩八錢八分一釐遇閏共加銀一十六兩七錢一分五釐

蠡縣額外屯丁六百一十九丁每丁徵銀一錢五分共徵銀九十二兩八錢五分雍正九年奉裁左所

歸併本縣屯丁七百九丁每丁徵銀一錢共徵銀

七十兩九錢雍正九年編審新增屯丁三丁欽奉

恩詔永不加賦以上額外人丁共一千四百八十二丁內
除雍正九年編審新增人丁三丁欽奉

恩詔永不加賦外實在徵糧人丁共一千四百七十九丁
每丁各徵不等共徵銀一百八十一兩八錢五分
通共額內額外人丁共四萬八千丁內除

盛世滋生人丁七百三十四丁欽奉

恩詔永不加賦外實在行差人丁四萬七千二百六十六
丁每丁徵銀不等共徵銀四千七百六十兩五錢

五分於雍正元年奉

旨以雍正二年爲始攤入地糧銀內徵收訖額內額外共

徵正加併均攤丁匠銀二萬四千五百八十一兩

三分二釐遇閏加銀九百五十九兩八錢五分八

釐

額設起運銀二萬二千五百五十四兩七錢一分七

釐

額設存留銀一千九百九十五兩一錢一分五釐閏

月加銀一百二十四兩七錢六分六釐正閏共銀

二千一百十九兩八錢八分一釐

存留項下

知縣俸銀四十五兩

管河縣丞俸銀四十兩

教諭俸銀四十兩

訓導俸銀四十兩

典史俸銀三十一兩五錢二分

本府皂隸八名工食銀四十八兩閏月加銀四兩

糧捕通判皂隸十二名工食銀七十二兩閏月加銀

六兩

轎傘扇夫七名工食銀四十二兩閏月加銀三兩五

錢

縣署門子二名工食銀十二兩閏月加銀一兩

皂隸十三名工食銀七十八兩閏月加銀六兩五錢
件作三名工食銀一十八兩閏月加銀一兩五錢

轎傘扇夫七名工食銀四十二兩閏月加銀三兩五

錢

馬快八名工食並喂馬草料銀一百三十四兩四錢

閏月加銀十一兩二錢

兵壯三十名工食銀一百八十兩閏月加銀一十五

兩

看監禁卒八名工食銀四十八兩閏月加銀四兩
庫子四名工食銀二十四兩閏月加銀二兩
斗級四名工食銀二十四兩閏月加銀二兩
先農壇耕夫二名工食銀一十二兩閏月加銀一兩
各鋪司兵八名工食銀一十九兩二錢閏月加銀一
兩六錢

吹鼓手四名工食銀二十四兩閏月加銀二兩
更夫五名工食銀二十四兩閏月加銀二兩
火夫十名工食銀四十八兩閏月加銀四兩
協濟天津鹽運通判民壯三名工食銀一十二兩閏

月加銀一兩

管河縣丞皂隸四名工食銀二十四兩閏月加銀二

兩

門子一名工食銀六兩閏月加銀五錢

馬夫一名工食銀六兩閏月加銀五錢

民壯四名工食銀二十四兩閏月加銀二兩

典史門子一名工食銀六兩閏月加銀五錢

皂隸四名工食銀二十四兩閏月加銀二兩

馬夫一名工食銀六兩閏月加銀五錢

齋夫三名工食銀三十六兩閏月加銀三兩

膳夫二名工食銀一十三兩三錢三分三釐閏月加
銀一兩一錢一分一釐

門斗三名工食銀二十一兩六錢閏月加銀一兩八
錢

文廟崇聖名宦鄉賢春秋二大祭銀四十兩

關帝廟三大祭銀四十兩

文昌帝君春秋二大祭銀二十六兩六錢六分六釐

社稷山川風雲雷雨城隍馬神八蜡等神春秋二大祭

銀三十兩

修理

龍亭銀五兩

文廟銀十兩

三小祭無祀鬼神銀十兩

朔望行香紙燭銀一兩

鄉飲酒禮銀十兩

貢生花紅旂匾銀二兩五錢 二年一辦

本府新中舉人牌坊銀二十六兩六錢六分七釐 三年一辦

一辦

新中進士牌坊銀三十三兩三錢三分三釐 三年一辦

會試舉人盤費銀五兩 三年一辦

太縣新中舉人牌坊銀二十六兩六錢六分七釐三年

辦一

新中進士牌坊銀三十三兩三錢三分三釐三年

新中武舉花紅旂匾銀三兩三錢三分三釐三年

新中武進士花紅旂匾銀六兩六錢六分七釐三年

廩生二十名月糧銀六十四兩閏月加銀五兩三錢

三分三釐

孤貧八十六名共口糧銀三百九兩六錢閏月加銀

二十五兩八錢

又每名冬衣布花銀二錢七分八釐三毫四絲九

忽共銀二十三兩九錢三分八釐

時憲書銀三兩

驛站

走遞馬十五匹

草料銀六十六兩二錢五分八釐閏月加銀五兩

五錢二分二釐正閏共銀七十一兩七錢八分

戶口

雍正元年奉

旨畿輔丁役悉均於糧編審雖停戶口須記現在戶四路

共二萬二千五百七十三戶現在口男女共十一

萬零七百三十二口足徵

國家二百餘年休養生息之恩